

九家舊晉書輯本

三



九家舊晉書輯本

(三)

湯 球 輯

王隱晉書卷一

宣帝

宣皇帝河內溫人。文選勸進表注。

魏武辟高祖。高祖以漢祚將終。不欲屈節於曹氏。辭以風痺不能起居。魏武遣親信令史微服於高祖門外樹陰下息。時七月七日。高祖方曝書。令史竊知。還具以告。又乃重遣辟之。敕行者曰。若復不動。便可收

之。高祖懼而應命。事類賦注。秋。御覽三十一稱晉書。檢今晉書不同。知脫王隱二字。

諸葛亮挑戰。冀獲曹咎之利。史通妄飾。

封宣帝爲武平侯。御覽二百。

宣帝討公孫淵。至襄平。遂圍之。起土山地道。楯原以形似誤脩。櫓鉤橦。發石雨下。晝夜攻之。斬傳其首。同上三百三十六。

公孫平又增封舞陽。昆陽。二縣。同上二百。

宣帝既滅公孫淵。還作榼。兩口。二種酒。持著馬上。先飲佳酒。塞口而開毒酒口。與牛金飲而死。同上七百六十一。

魏帝謁高平陵。曹爽兄弟皆從。高祖以爽執政不平。廢之。起奏事永寧宮。悉起營兵及城中餘衆。承制發武庫仗。開四門。出迎魏帝於洛濱。奏爽罪也。初學記九。

天子策命上爲相國。

文選爲鄭冲勸晉王賡注。

今上受禪。追上尊號曰宣皇帝。

文選勸進表注。

景帝

魏景初中。以上爲中護軍將軍。作選用之法。舉不越法。吏無私焉。

通典三十四書鈔。

司馬景王爲撫軍大將軍。侍郎都督中外諸軍。錄尙書事。上初總萬機。正身平法。朝政肅然。

天子策上爲相國。

文選爲鄭冲勸晉王賡注。

母邱儉。文欽反。遣鄧艾進屯樂嘉。欽果夜銜枚襲艾等。昧爽至於城下。

御覽三百五十七。

文帝

姜維出隴右。上帥輕兵到靈州。大破之。諸虜震服。

文選四十爲鄭冲勸晉王賡注。

封文帝爲高都侯。

御覽二百。

諸葛誕反。淮南孟康王慕曰。宜作土山。斂諸侯材板簿櫓。以爲攻具。

御覽三百三十六。

諸葛誕反。上親臨西園。四面並攻。須臾陷潰。斬送誕首。

文選爲鄭冲勸晉王賡注。

武帝

世祖武皇帝。文帝太子也。寬仁厚德。深沈有智量。

初學記九。引作寬惠仁厚。深密有智量。

風度容貌。綽如也。景元中爲撫軍。咸

熙元年晉國初開立爲世子拜撫軍大將軍開府副使二字一作嗣相國御覽百四十八類聚十三略初武帝未爲世子文

帝問裴秀曰人有相否秀曰中撫軍垂髮至地伸手過膝人望旣茂天表如此非人臣之相也類聚十六御覽三百

七十

咸熙二年立爲太子文帝崩魏帝命上爲相國晉王十一月受禪於魏御覽百四十八類聚十三

咸熙二年十二月丙寅上乃設壇受命於南郊卽洛陽宮幸太極殿前大赦天下御覽六百五十二初學記二十

太始元年詔曰昔唐虞三代之始盛暨於漢魏創制襲崇元勳班爵行賞與國同禮施祿逮下萬邦咸乂

朕以寡德登於天位託於王公之上腹心股肱文武之臣光濟帝業余嘉乃勳慶賞之行其同宜速御覽二百

二百

武帝詔曰御府內省珠玉玩好之物皆以賜王公也御覽八百二

太始四年正月初立籍田丁亥上帥羣臣躬耕千畝大赦天下初學記二十

泰始四年班五條詔書於郡國一曰正身二曰勤民今紀作勤百姓三曰撫孤寡四曰敦本息末五曰去人事書鈔

御覽五百九十三

太始六年吳孫琇來奔武帝以孫琇爲伏波將軍御覽二百四十案晉書作拜驃騎將軍

武帝太始七年三月詔大官減膳初學記九案晉書紀稱閏月大雩在五月下

太始九年。聘公卿子女。以備六宮。武帝臨軒。拜諸葛婉爲夫人。李華爲貴人。御覽一百四十四。

又採侍御史齊國左維女爲脩儀。有文才。同上。一百四十五。

泰始十年。中書監荀勗上古尺。玉海八。

咸寧四年。有獻雉頭裘者。上曰。異服奇裘。典制所禁也。其於前殿燒裘。敕有異服者。依禮致罪。初學記九。

咸寧五年。白麒麟見平原。類聚九十八。

武帝伐吳。以王渾爲安東將軍。以王濬爲平東將軍。以胡奮爲平南將軍。御覽二百三十九。

太康元年。龍驤將軍王濬等。攻建平丹陽城。剋之。東擊西陵以下。盡拔其城。虜其將帥。於是上下諸軍。同

時並進。吳人降者以萬計。吳丞相張悌。及護軍孫震。與揚州刺史周浚等。戰於板橋。破之。臨陣斬悌。震首

濬。遂汎舟東下。所歷皆平。軍至秣陵。皓面縛輿櫬。將其太子詣濬降。乃收其圖籍。皆因吳所置。除其虐政。

示以簡易。百姓大悅。乃赦天下。改元爲太康。天下大酺五日。御覽三百四。

太康元年。汲縣民盜發魏襄王墓。或言安釐王冢。得竹書漆字數十車。皆簡編蝌蚪文字。束皙爲著作。隨

宜分析。皆有冥證。古書有易卦似連山歸藏。又有春秋似左傳。有銅劍一枚。長三尺五寸。書鈔。十又四十。類聚。

上與羊祜。張華。謀伐吳。朝士莫知也。潛乃籌量虛實爲戰備。孫皓面縛輿櫬降。有司奏晉德隆茂。光被四

表。吳會既平。六合爲一。宜勒封岱。以彰聖德。詔曰。此盛德之事。所宜未議。類聚。

太康三年罷刺史將軍官刺史依漢制三年一入奏事書鈔。案晉書紀。稱罷平州寧州刺史。三年一入奏事。

太康五年龍見武庫井中御覽五百四十三。詳見瑞異記。

太康五年夏六月初置黃沙獄御覽六百四十三。

太康六年荊州送兩足虎類聚九十九。詳見瑞異記。

太康七年出後宮才人女伎已下百七十人歸家御覽百四十五。

太康十年詔曰陽平太守梁柳治績大異賜粟千斛秩中二千石書鈔。

太康十年太廟成遷神主於新廟上帥百官奉迎於道左遂親禘祫賜王公以下至司馬督子弟官賜作

廟者帛御覽五百二十八及五百三十一。

武帝少厲高行造次必於忠恕未嘗有過言失色於人初學記九。

惠帝

永平元年詔云祕書監綜理經籍攷校古今課試署吏領有四百人宜專其事初學記十二。御覽二百三十。案時復置祕書監官。

元康五年十月武庫火一作災。焚累代之寶檢校是工匠盜庫中物恐罪乃投燭著麻膏中火燃御覽八百六十四。

元康六年正月辛酉上南郊大赦天下初學記二十。

齊萬年帥羌胡圍涇陽遣安西將軍夏侯駿西討氏羗文選二十關中詩注。

元康九年十一月天連日大風發屋折樹御覽百四十八

廢太子爲庶人送太子於許昌宮之別坊文選晉紀總論注

永康元年賈后矯詔使小黃門孫憲當作害太子趙王倫酖殺賈后帝詔諡通爲愍懷皇太子同上

永寧元年趙王倫篡位成都王穎謀舉義兵迎天子同上

齊王冏舉兵討倫臨陳斬之文選謝平原內史表注

永寧二年立清河王覃爲太子御覽百四十九

成都王攻洛大駕幸北城觀上看孟豺軍人擘尻面天子豺後大人降長沙王以豺軍人辱帝東市斬之

御覽三百七十六

長沙王乂與齊王冏相攻冏敗縛至上前乂叱左右斬之文選晉紀總論注

太安二年案永寧二年十二月殺冏後改爲太安元年九月丁丑上舍於河橋初學記七案時河間成都表誅長沙王乂逼京師

上攻張方決千金堰水碓不作發王公家奴婢手舂給兵男子自十三以上皆從役於是公私窮蹙米石

萬錢御覽四百八十八

長沙王乂出征連戰敗走遂誅之文選晉紀總論注

永興元年成都河間王王字疑是表字復廢覃爲清河王立成都王穎爲皇太弟御覽百四十九

大駕北伐。成都王穎統王師於蕩陰敗績。上傷頰。失六璽。左右奔走。御覽三百六十七。

法駕幸於鄴。高堂隆刻鄴宮屋材云。後若干年。當有天子居此宮。惠帝止鄴宮。治屋者土剝更泥。一作始

見刻字。計年正合。二字一作在今時。類聚六十二。御覽九十七。又一百七十三。

惠帝自鄴中還洛陽。案王浚攻鄴。盧志勸成。都王穎奉天子還洛陽。賜中書監盧志鶴綾袍一領。御覽六百九十五。

帝在長安。永興。原誤永。康。二年。東海王越率天下甲士三萬人。奉迎大駕還洛。文選迎大駕一首注。

惠帝爲太子時。上素知太子闇弱。後必亂國。然不能擇才。乃遣荀勗和嶠往觀之。勗還盛稱太子德更進。茂不同西宮之時也。嶠答詔稱。臣以爲太子如故。不見更勝。此自陛下家事。非臣所盡知也。於是天下貴

嶠而賤勗也。御覽百四十八。

惠帝時有錢神論曰。錢之爲體。有乾坤之象。其積如山。其流如川。動靜有時。行藏有節。市井便利。不患耗折。原誤。枯。難析。原作。朽。象壽不匱。象道故能長久。爲世神寶。親故如兄。字曰孔方。失之則貧弱。得之則富貴。無

翼而飛。無足而走。解嚴毅之顏。開難笑之口。錢多者處其前。錢少者居其後。初學記二十七。案。全文見晉書魯褒傳。

識書有蝦蟆當貴。惠帝在宮時。出問左右。此鳴是官蝦蟆。爲私乎。賈充對曰。在官地中爲官蝦蟆。在私地中爲私蝦蟆。於是世間遂傳此語。御覽四百九十九。

懷帝

懷帝卽位年號永嘉文選述祖德詩注

懷帝永嘉元年有玉龜出灞水唐類函二十五

洛陽城內東北一作東南角步廣里中地陷中有二鵝其一蒼者飛去其一白者不能飛問之博識者一作

博士不能知世說注五詳見瑞異記及董養傳

永嘉五年羯賊劉曜破洛文選勸進表注

永嘉七年皇帝崩於平陽文選勸進表注

洛陽破大司馬南陽王保於長安立秦王爲皇太子懷帝崩皇太子卽位同上本穆懷紀

愍帝

愍帝建興元年夏四月壬申上卽位於長安宮改元改永嘉七年爲建興元年大赦天下與之更始前後不及者皆除

之御覽六百五十二

建興二年溫嶠爲劉琨假守左司馬都督上前鋒諸軍事討劉聰世說注八

愍帝建興三年漢曹嶷據臨淄發景公及管仲冢尸並不朽繪帛可服珍寶巨萬御覽五百五十七

建興四年帝蒙塵於平陽丞相睿刻日北征以漕運稽期丞相府督軍令史淳於伯刑於建康市百姓誼譁咸曰伯冤於是大旱

三年御覽八百七十九

元帝

元皇帝。宣帝之曾孫。文選勸進表。琅瑯恭王之長子。同上。

元帝初。藉藁草。悉成禾。御覽八百七十三。

元帝白毫生額上。有光明。同上三百六十四。

永興元年。就國。二年。加揚州諸軍事。文選勸進表注。

大興元年。河水竭。斷百餘步。兩頭深淺如故。中絕不流。占經一百。

明帝

太寧元年。黃霧四塞。御覽十五。

穆帝

孝宗欲於後園。修立池苑。江道諫以強賊未滅。宜精軍備。嘗存儉約。御覽八百二十四。

王隱晉書卷二

地道記

司州河南郡

雒陽城內南北九里七十步東西六里十步爲地三百頃一十二畝有三十六步城東北隅周威烈王冢

劉昭注補一稱晉太康地道記按係兩引其書而太康下脫一記字

洛陽宮西宜秋里門東向南壁石生地中始高三尺如香爐形人多祀之編珠

尸鄉故殷湯所都者也亦曰湯亭田橫死于是亭故改曰尸鄉鄴道元水經注陽渠水下

右雒陽案郡國志 醫師有尸鄉晉省醫師入雒陽故列此

王城去雒城四十里劉昭續漢書郡國志注補一

酈鄉在縣西南有酈亭同上

右河南

訾在縣之東劉昭注補一

坎埒聚在縣南同上

坎塼聚在鞏西。

水經注十五洛水下。按注云。京相璠曰。鞏東地名坎飲。春秋王出及坎飲。服虔亦以爲鞏東邑。地道記言在鞏西。非也。

右鞏。

濟自大伾入河。與河水鬪。南洑爲滎澤。

水經注濟水下。

濟自大伾入河。與河水鬪。大伾在成皋。古成皋兼包鞏縣之界。溢出爲滎水。

太平御覽水部。

右成皋。

潁水出陽城山。

劉昭注補二。

右陽城。

陽翟去洛陽二百八十六里。屬河南。

劉昭注補二。

釣臺下有陂。俗謂之釣臺陂。

太平寰宇記七。

右陽翟。

滎陽郡

京有大索。小索亭。漢書京索之間也。

水經注濟水下。

右京。

陽武滎陽有博浪沙。張良爲韓擊秦始皇處。

御覽百五十九州郡五太平寰宇記二。

右陽武

令縣在滎陽。史記索隱六。

右令

宏農郡

漢宏農本函谷關有桃林也。寰宇記六。

宏農亭在宏農縣東十三里。水經注河水下。

右宏農

湖本胡縣也。漢武帝改作湖。俗云黃帝自此乘龍上天也。水經注四河水下。

右湖

秦之華陽潼關是也。劉昭注補一。

太華山在縣西南。同上。

右華陰

上洛郡

郡在洛上。故以爲名。水經注二十渭水下。

右郡。

饒關當在上洛縣西北。同上十九。

右。上洛。

伊水東北入雒。劉昭注補一。

右。廬氏。

平陽郡

平陽有堯城。劉昭注補一。

右。平陽。

楊故楊侯國。晉滅之以賜大夫羊舌肸。漢以爲縣。屬河東郡。後漢同。魏置平陽郡。楊縣屬焉。寰宇記四十三。

梁城去楊縣五十里。叔嚮邑也。劉昭注補一。

右。楊。

皮氏縣有介山。子推所逃隱于是。水經注四。汾水下。

右。皮氏。

河東郡

咸山在安邑南。劉昭注補一。

右安邑。

首山在蒲阪。與胡縣相連。宋書州郡志二。

蒲阪有雷首山。一名滌山。徐堅初學記八。

右蒲阪。

襄陵。晉武公從曲沃徙此。劉昭注補一。

右襄陵。

左傳。文十三年。詹嘉處瑕。在猗氏縣東北。同上。

右猗氏。

汲郡。

汲縣有銅關。劉昭注補一。

右汲。

朝歌本沫邑也。詩云。爰采唐矣。沫之鄉矣。殷王武丁始遷居之。爲殷都也。禹貢。紂都在冀州大陸之野。卽此矣。有糟邱酒池之事焉。有新聲靡樂。邑號朝歌。水經注九淇水下。